

MPN/plc

ACTA DA SESIÓN ORDINARIA DA COMISIÓN INFORMATIVA DE COOPERACIÓN LOCAL, TRANSFRONTEIRIZA E DE COORDINACIÓN DAS EMERXENCIAS PROVINCIAIS DO DÍA 16/02/2024

ASISTENTES

PRESIDENTE:	D. José Carlos López Campos
VOGAIS:	D. Roberto José Álvarez Carrero
	D. ^a Marta Fernández-Tapias Núñez
	D. Rafael Domínguez Artime
	D. Jorge Cubela López
	D. Jesús Vázquez Almuíña
	D. ^a María Pilar Ramallo Vázquez
	D. Manuel Alejandro Lorenzo Alonso
	D. ^a María Nava Castro Domínguez
	D. ^a Nuria Rodríguez Rodríguez, por vacante de D. Carlos López Font
	D. Carlos Gómez Prado
	D. ^a Ana Laura Iglesias González
	D. ^a Digna Rosa Rivas Gómez
	D. Gregorio Luis Agís Gómez
	D. Javier Iglesias Mougán
	D. Xosé Cesáreo Mosquera Lorenzo
	D. ^a Beatriz Lomba Rodríguez

Sendo as dez horas e cinco minutos do día dezaseis de febreiro do ano dous mil vinte e catro, reúnen no Pazo Provincial os Sres./as. Deputados/as arriba relacionados, en sesión ordinaria, e baixo a Presidencia de D. José Carlos López Campos. Actúa como secretaria a xefa do Servizo de Cooperación, D.^a Marina Piñeiro Novo.

Aberta a sesión polo Presidente, pásase ao estudo dos asuntos incluídos na Orde do Día, sobre os que recaeron os seguintes ditames:

1.- APROBACIÓN DA ACTA DA SESIÓN ANTERIOR

Apróbase a acta da sesión anterior correspondente á sesión ordinaria celebrada o dezanove de xaneiro do ano dous mil vinte e catro por unanimidade.



2.- DITAMINAR A MODIFICACIÓN DO CONVENIO DE COOPERACIÓN ENTRE A DEPUTACIÓN DE PONTEVEDRA E OS CONCELLOS DA PROVINCIA DE MENOS DE 50.000 HABITANTES POLO QUE SE REGULA A ENCOMENDA DE XESTIÓN DO SERVIZO DE VIXILANCIA E INSPECCIÓN EN MATERIA DE RESIDUOS (EXPEDIENTE Nº 2023072372)

De conformidade co establecido nos artigos 123 a 126 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ao Ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte proposta de acordo con carácter previo á súa elevación ante o órgano competente para a súa aprobación.

"PROPOSTA DE ACORDO

Visto o informe do Xefe do Servizo de Asistencia Intermunicipal, de data 8 de febreiro de 2024, que conta co conforme do Deputado Delegado de Medio Ambiente e Mar (CSV:IOoGMSHTJDIBRHUC), co seguinte teor literal:

"ANTECEDENTES DE FEITO

Primeiro. O Pleno da Corporación Provincial na sesión ordinaria celebrada o 28 de outubro de 2022, aprobou o convenio de cooperación entre a Deputación de Pontevedra e os Concellos da provincia de menos de 50.000 habitantes polo que se regula a encomenda de xestión do servizo de vixilancia e inspección en materia de residuos (acordo nº 6.7877).

Nese mesmo acordo a Deputación aceptou as encomendas de xestión realizadas polas seguintes entidades locais: A Cañiza, A Guarda, As Neves, Barro, Meis, O Rosal, Salceda de Caselas, Silleda, Tomiño e a Mancomunidade de Concellos do Morrazo (Bueu, Cangas, Moaña).

Unha vez aceptadas e formalizadas as encomendas mediante a sinatura dos correspondentes Convenios, estes publicáronse no Boletín Oficial da Provincia nº 241, de data 20 de decembro de 2022, conforme ao disposto no artigo 11.3.b) da Lei 40/2015.

Posteriormente, o Pleno da Corporación Provincial, nas sesións ordinarias celebradas o 31 de marzo de 2023 (acordo nº 7.7967) e 30 de xaneiro de 2024 (acordo nº 3.8121) aceptou as encomendas de xestión realizadas polos concellos de Mondariz-Balneario, Gondomar e Baiona.

*Segundo. De acordo co estudo de custos que figura no expediente administrativo da súa razón, os gastos anuais asociados á posta en marcha do servizo para os 15 concellos adheridos ascenden a **455.142,18 euros**, contemplándose inicialmente, e con carácter xeral, unha ratio dun/ha vixilante de residuos por cada 20.000 habitantes.*

As funcións de vixilancia serán levadas a cabo polo persoal funcionario de carreira da Deputación Provincial de Pontevedra que superou o proceso selectivo convocado a tal efecto



(reclasificación, concurso-oposición, promoción interna), xunto co persoal técnico da sección de residuos.

Terceiro. Conforme á cláusula quinta do Convenio, para salvagardar a eficacia e a eficiencia na prestación do servizo, a cantidade económica que deben abonar os concellos axustarase ao baremo que resulte de multiplicar tres euros (3 €) polo número de habitantes do concello, cantidade que poderá ser obxecto de actualización no caso de incremento do custo do servizo e/ou de circunstancias excepcionais ou de forza maior que desvirtúen substancialmente o Convenio e fagan inviables as súas previsións económico-financeiras.

Así mesmo, dita cláusula quinta establece que sobre as cantidades a abonar por parte do Concello aplicaranse as seguintes bonificacións:

De carácter xeral:

Exercicio 2022: do 100%

Exercicio 2023: do 60%

Exercicios 2024 e posteriores: do 25%

Específicas:

Por sumarse ao servizo de inspección antes do 31 de xullo de 2022:

10% máis de bonificación (70% no 2023 e 35% no 2024 e ss)

Por acadar os obxectivos fixados na normativa en canto a preparación para a reutilización e reciclaxe: 15% máis de bonificación, revisable anualmente.

Polo avance nos obxectivos: igual porcentaxe de bonificación que de avance, revisable anualmente. Todas as bonificacións son acumulativas.

Cuarto. Durante os meses de novembro e decembro do 2023 e xaneiro do 2024 teñen entrada no Rexistro Xeral da Deputación Provincial de Pontevedra escritos dos Concellos da Cañiza, A Guarda, As Neves, Barro, Meis, O Rosal, Salceda de Caselas, Silleda, Tomiño, Gondomar, Mondariz Balneario, Baiona e a Mancomunidade de Concellos do Morrazo (Bueu, Cangas, Moaña), a través dos cales solicitan de maneira motivada a modificación da cláusula quinta do convenio de referencia, de xeito que as bonificacións establecidas no mesmo vaian acordos co inicio da prestación real do servizo.

FUNDAMENTOS XURÍDICOS

O artigo 11 da Lei 40/2015, do 1 de outubro, de réxime xurídico do sector público, que regula as encomendas de xestión

Os artigos 47 a 53 da Lei 40/2015, do 1 de outubro, de réxime xurídico do sector público, relativos aos Convenios; en concreto o artigo 49.g) que establece a necesidade de acordo unánime dos asinantes á hora de modificar o contido dos Convenios ante a falta de regulación expresa.



O artigo 144 da Lei 40/2015, do 1 de outubro, de réxime xurídico do sector público e o artigo 198 da Lei

5/1997, do 22 de xullo, de administración local de Galicia, que contemplan a posibilidade de que a Deputación subscriba convenios de cooperación cos Concellos para a prestación de medios materiais, económicos ou persoais así como para garantir o acceso da poboación ao conxunto dos servizos municipais e maior eficacia na prestación destes.

O artigo 86 da Lei 39/2015, do 1 de outubro, do procedemento administrativo común das administracións públicas, que establece a posibilidade de celebrar convenios entre Administracións Públicas sempre que non sexan contrarios ao Ordenamento Xurídico e teñan por obxecto satisfacer o interese público que teñen encomendado.

A cláusula novena do Convenio que establece o seu carácter administrativo e que na resolución das dúbidas e lagoas que puideran xurdir na aplicación do mesmo estarase ao disposto na Lei 40/2015, do 1 de outubro, de réxime do sector público.

TRATAMENTO TÉCNICO

Os Concellos asinantes do Convenio de referencia solicitan a modificación da súa cláusula quinta, de xeito que as bonificacións contempladas para os diferentes exercicios sexan aplicadas desde a prestación efectiva do servizo de acordo ao seguinte detalle:

Exercicio 2024: 100%.

Exercicio 2025: 60%

Exercicios 2026 e posteriores: 25%

Á vista dos razoamentos expostos polos Concellos, considérase viable a modificación proposta xa que o cumprimento dos trámites administrativos necesarios para a posta en marcha deste novidoso servizo retrasou a súa prestación efectiva, circunstancia que terá lugar durante o primeiro trimestre do ano 2024; así mesmo, a normativa aplicable permite realizar a modificación proposta xa que con ela non se prexudican dereitos de terceiros.

CONCLUSIÓN

Á vista dos antecedentes de feito mencionados e os fundamentos xurídicos expostos, infórmase favorablemente á modificación da cláusula quinta do Convenio de cooperación entre a Deputación de Pontevedra e os Concellos da provincia de menos de 50.000 habitantes polo que se regula a encomenda de xestión do servizo de vixilancia e inspección en materia de residuos que quedaría redactada co seguinte teor literal:

"...3ª Sobre as cantidades a abonar por parte do Concello, aplicaranse as seguintes bonificacións:

De carácter xeral:

Exercicio 2024: do 100%

Exercicio 2025: do 60%



Exercicios 2026 e posteriores: do 25%

Específicas:

Por sumarse ao servizo de inspección antes do 31 de xullo de 2022:

10% máis de bonificación (70% no 2025 e 35% no 2026 e ss.)

Por acadar os obxectivos fixados na normativa en canto a preparación para a reutilización e reciclaxe: 15% máis de bonificación, revisable anualmente.

Polo avance nos obxectivos: igual porcentaxe de bonificación que de avance, revisable anualmente.

Todas as bonificacións son acumulativas..."

O resto do contido do Convenio mantense invariable en todos os seus termos"

Vista a nota de conformidade emitida polo Secretario Xeral en relación ao citado informe, de acordo co disposto no artigo 3.4 do R.D.128/2018, do 16 de marzo, polo que se regula o réxime xurídico dos funcionarios de Administración Local con habilitación de carácter nacional.

Visto o informe da Intervención, de data 12/02/2024 (CSV:CVKYHJRTAoGXPIQ1), favorable á tramitación do presente expediente.

Á vista do exposto, sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte

PROPOSTA DE ACORDO

Primeiro. *Modificar a cláusula quinta do Convenio de cooperación entre a Deputación de Pontevedra e os Concellos da provincia de menos de 50.000 habitantes polo que se regula a encomenda de xestión do servizo de vixilancia e inspección en materia de residuos, que quedaría redactada co seguinte teor literal:*

"Quinta. Réxime económico da encomenda e bonificacións.

.....

3ª Sobre as cantidades a abonar por parte do Concello, aplicaranse as seguintes bonificacións:

De carácter xeral:

Exercicio 2024: do 100%

Exercicio 2025: do 60%

Exercicios 2026 e posteriores: do 25%

Específicas:

Por sumarse ao servizo de inspección antes do 31 de xullo de 2022:



10% máis de bonificación (70% no 2025 e 35% no 2026 e ss.)

Por acadar os obxectivos fixados na normativa en canto a preparación para a reutilización e reciclaxe: 15% máis de bonificación, revisable anualmente.

Polo avance nos obxectivos: igual porcentaxe de bonificación que de avance, revisable anualmente.

Todas as bonificacións son acumulativas...”

Segundo. *Manter invariable en todos os seus termos o resto do contido do citado Convenio.*

Terceiro. *Publicar o presente acordo no Boletín Oficial da Provincia e dar traslado do mesmo aos Concellos adheridos ao servizo de inspección.”*

Sometido a votación este asunto, a Comisión Informativa de Cooperación Local, Transfronteiriza e de Coordinacións das Emerxencias Provinciais, ditamina favorablemente cos votos a favor dos/as deputados/as do Grupo Provincial do PP (9) e a abstención do Grupo Provincial do PSdeG-PSOE (6) e do Grupo Provincial do BNG (2).

3.- ROGOS E PREGUNTAS

Non houbo.

E non habendo máis asuntos que tratar, a Presidencia dá por finalizada a reunión, sendo as dez horas e dez minutos, do que, como secretaria, dou fe.

Pontevedra, na data da sinatura electrónica
A secretaria da Comisión,
Marina Piñeiro Novo

